

ditum est, modoque alias cujuscunque conditionis personas, habitu omnibusque actionibus, ad turpitudinem significandam, aut minimum ad risum movendum compositis, referunt. Omnes autem personis tecti, ne à quoquam agnoscantur, & viri frequenter veste fœminea, interdum & fœmina veste virili, tanquam si artificiosum, aut pulchrum foret mentiri sexum: nunquam insuper quidam sic deformati, ut figura humana prorsus nihil retineant. Nam cornuti, rostrati, dentibus aprinis, flammantibus oculis, fumum & scintillas ex ore exhalantes, curvis unguibus, caudati, hirsuti, denique & monstrofi terribilesque cacodamones videri atque timeri affectant. Ubi insuper gentilibus olim satis fuit, unum toto anno diem huic tribuere insania, hodie isti, solo nomine Christiani, una die haud sunt contenti, sed inutiliter turpiterque consumunt multos, quid dico dies? Imo consumunt aliquot hebdomades dierum. Ex quo deinde fit, ut pomparum & personarum nullus sit modus aut numerus. Atque uno quidem die vagantur moriones, mimi, parasiti, scurra, histriones, tibicines, citharoedi; alio vero die ex opificum collegiis oberrant cujusque sortis homines: omnes autem ridicula, stulta, quadam etiam turpia exhibentes, quod ostiatim stipem, farcimina, lardum & id genus accipiant. Nonnulli in divitum ades sese ingerunt, mercede exigua comœdias vel tragœdias, easque non omnino vacantes turpitudine, exhibenturi. Saltationes porro sunt admodum lubrica, pars in foro & in plateis, pars in domibus privatis & noctu perinde, ac interdum. Accedunt luxuriosa ac temulenta convivium ad intempestam noctem, pene dixeram, ad diei sequentis crepusculum protrahunt. Et ad has nocturnas epulas accurrunt, si Deo placet, larvati, alias pecunias, vestes cateraque parati perdere aut lucrari. Ab iisdem larvatis etiam chorea ducuntur. Ubi, obsecro, leguntur tam multa, tam varia, ad tot dies à gentilibus facta? Cogaris certe fateri, ô bone, quisquis es, gentiles præterlibus Christianis sanos, modestos, sobrios dici posse.

§. II.